

إِنَّ الدِّينَ عِنْدَ اللَّهِ الْإِسْلَامُ



لَا إِلَهَ إِلَّا اللَّهُ مُحَمَّدٌ رَّسُولُ اللَّهِ

*K*hutba Jummah

HADHRAT MUHYI-UD-DIN AL-KHALIFATULLAH

Munir Ahmad Azim

03 Février 2017

(05 Jamad'ul Awwal 1438 AH)

Après ki li fine salué tous so bane disciples (et tous bane musulmans) dans le monde entier avec la salutation de paix dans l'islam, Hazrat Muhyi-ud-Din Al-Khalifatullah (atba) fine lire Tashahhud, Ta'uz, et Surah Al Fatiha, et li fine ensuite axé so Khutba Jummah lor « L'Amour pour Ou prochain »:

Mo Khutba Jummah azordi li adresser à bane membres de Jamaat Ul Sahih Al Islam et aussi à tous bane dimounes dans le monde. Sakaine d'entre zot bizin exhorte bane les autres pou ena l'amour pour so prochain, et pas zis l'amour, mais générosité aussi, et aussi ki zot bizin pratique l'islam couma bizin et ki zot bizin ena la connaissance de zot-mêmes (zot propres êtres).

Celui pour qui le mot Allah ti ene soutien inestimable pour so l'existence (en d'autres mots, pour le Musulman), alors li maintenant sous l'emprise de l'attachement à bane di biens matériels et d'ene peur de la mort. Tout saki ena d'excitant concernant la spiritualité, tout sa là fine abandonne li: Astaire là, pour ene musulman azordi zour, so religion trouve dans livre tousel, et li-même li ena ene lipié dans tombe.

Si nous guette bien azordi zour, nous pou trouver ki l'âme ki ti supposé reste pure pendant so voyage lor sa la terre là, et pou obéir à bane commandement d'Allah, nous alle trouver ki l'âme là fine abandonne so lécorps ki constituer de bane carêmes (*Roza*) et de la prière (*Namaz*) et de bane les autres piliers de l'islam ; et le fait ki l'âme fine

quitte *Namaz* et *Roza*, alors l'homme (la race humaine, surtout celui ki musulman) li trouve li sans la paix et l'harmonie, et sa bane dimounes là zot pas ena aucaine discipline, kot zot lékaires vide de la chaleur du Quran. Couma alors nous capave attane ene amélioration de la part de bane tel dimounes ? Ô Allah! Le musulman fine abandonne li-même, alors avoye To la main et attrape so la main, parski li près pou noyé, délo fine fini commence couvert so la tête.

La prosternation (dans *Salaat*) ena la capacité pour faire la terre trembler et sa même prosternation là li ena la capacité pour faire soleil et la lune tourner selon so propre désir. Si arriver ene roche de sa la terre là li rode alle cherche le sens de sa prosternation là, alors sa roche là pou disparaite dans l'air couma la fumée! Mais à présent, ene musulman népli conne l'humilité; na péna nannié dans li excepter faiblesse de la vieillesse. Ki sanlà de nos jours encore ena conscience de la majesté de bane paroles ki nous prononcé pendant prosternation (*Sijda*) : « *Mo Maître (Allah) Li-même pli Grand* » (**Allahu Akbar**) ? Eski tout sa là vine de nous propre faute, ou eski nous penser ki ena kit faiblesse (*Nawzobillah min Zaalik*) dans sa bane paroles là? Sakaine pé avance rapidement lor so propre chemin. C'est zis nous monture ki sans bride et ki pé vagabondé partout. Ene kikaine ki possède le Quran mais selman pas ena aucaine désire pour la recherche, c'est ene kitchose bien bien étrange. Si Allah, nous Maître fine accorde zot le don de la vision, alors guette bane les temps ki pé vini: bane dimounes azordi zour ena bane raisonnement ki frôle avec danger et zot lékaires pas ena aucaine l'ardeur, zot lizié sans pudeur et zot noyé dans l'illusion, la science et l'art, la religion et la politique, l'intelligence et la sensibilité; en d'autres mots, tout tourne autour de bane kitchoses matérielles.

La jeunesse azordi zour ena la lèvres assoiffé, mais so coupe vide; bane figures bien lavé, mais l'âme li noire; l'intelligence pé paraite pé émette ene la lumière, mais en fait li zis ene vision bien faible; en somme la jeunesse li pas possède la certitude et l'espoir. So lizié pas fine trouve nannié de sa lémonde là: bane jeunes azordi zour zot selman bane pauvres dimounes lamentable, ki pas croire dans zot-mêmes, dans zot propres capacité et la foi, mais ki plutôt alle croire dans bane lézot.

Ô mo bane disciples, zot bizin touzour sincères dans tous zot bane actions; libère-zot de la crainte de bane lé rois, de bane soi-disant superpuissants et riches. Pas renonce à la justice ni dans la colère ni dans contentement; garde la modération, que ce soit ki zot riches ou pauvres. Sa précepte là li difficile, alors faudé pas zot persister et exerce zot l'esprit pou interprète li. Pas cherche aucaine flambeau excepter dans zot propre lékaires. Le soutien de bane l'âmes, c'est le *Dhikr* et le *Fikr*, le soutien de bane lé corps, c'est le respect de soi-même pendant la jeunesse. Dans sa la vie ici-bas là, et aussi dans

la vie future, ene dimoune pou capave gagne le pouvoir selman si li arriver maintenir so l'âme et lécorps (dans ene bon l'équilibre, ene bon balance). Le but de sa voyage ki Allah fine permette nous faire lor sa la terre là, c'est la joie de la contemplation, c'est-à-dire, pou ki nous cherche et adore Allah et réserve tous nous l'adoration pou Li tousel. Le secret de la religion consisté à dire bane paroles véridiques et pou reste loin avec bane manger ki fine défanne. La solitude et la compagnie, c'est pou contempler la Beauté d'Allah. Dans la voie de la religion, zot bizin reste incassable couma ene diamant. Attache zot lékaire à Allah, et vive zot la vie sans aucaine mauvais plans et actions.

Le but de la religion en entier, c'est ki nous bizin faire zéffore dans la recherche; so la fin c'est l'amour et so commencement c'est la courtoisie. L'honneur d'ene rose, c'est so couleur et so parfum; celui ki ignore la courtoisie li ene sans l'honneur, couma ene rose sans couleur et sans parfum. Quand mo trouve ene adolescent ki pas ena bane bons manières, alors sa rende mo la journée triste, et ene l'impatience et colère manifester dans moi; et alors mo pense l'époque de mo bien-aimé prophète, le plus parfait de tous bane prophètes, Muhammad (saws), et mo regrette sa l'époque dans ki mo pé vive là, et mo ti à souhaiter vivre dans bane siècles passé.

La sauvegarde d'ene madame, c'est so époux, ou la poussière ki trouve dans tombe; la sauvegarde de bane dimounes, c'est ki zot bizin évite bane mauvais compagnons. Rappel zot ki kan prononce bane mauvais paroles rempli avec méchancetés c'est ene péché: ene incroyant et ene croyant zot tous les deux bane créatures d'Allah. L'humanité, c'est le respect de l'homme: alors apprane pou conne so dignité. C'est la solidarité humaine qui faire de zot ene z'homme, ene dimoune; avance donc dans le chemin de l'amitié et de la fraternité islamique.

Le serviteur de l'amour recevoir de Allah l'indication de so chemin; li rentre camarade, ene bon camarade pas seulement avec ene croyant mais avec sa incroyant là aussi (parski c'est l'humanité ki primé pour li). Alors débarrasse-zot de l'incroyance et embrasse la piété et boire à la Source Divine comme ene assoiffé de l'amour divine. Bien ki lé cœur li prisonnier de bane z'affaires de sa lémonde là, tous so bane l'horizons zot bane l'horizons du cœur. Même si zot ene seigneur (c'est-à-dire, quelqu'un de haut rang et riche), pas renonce au détachement, pas renoncer! So la flamme pou capave être assoupie sans zot bane l'âmes; sa vié di vin là existé depuis bien bien lontan, depuis l'époque de zot bane grand dimounes. Pas cherche dans sa lé monde là excepter la passion du cœur, c'est-à-dire, Allah, car c'est à Allah tousel ki zot bizin demande la prospérité, non pas avec kit léroi ou qui que ce soit d'autre! Rappel zot ki beaucoup de bane dimounes ki craindre Allah et ki ti doué de vision fine vine aveugle par l'abondance de bane di biens (matériels)! L'abondance de bane di biens (matérielles) enlève la

chaleur du cœur, li apporte la prospérité mais emporte la soif depuis dans cœur. Pendant bane voyages ki Allah fine permette entreprendre au cours de sa bane derniers l'années là dans le monde, mo fine trouve bien tigitte larmes dans lizié de bane riches.

Mo ti pou bien content donne mo la vie dans même façon ki mo Maître, le Saint Prophète Muhammad (saws), l'Élu par excellence d'Allah. Li, ki vine d'ene rang bien noble, mais ki ti tendre de cœur fine combatte avec bane satans de sa lé monde là et de so propre être afin pou permette l'envol de so l'âme vers **LE BIEN-AIMÉ** (Allah). Li ti habille li avec vêtement de la pauvreté (matérielle) pour parvenir au stage de bien-aimé d'Allah. Malheur donc à celui ki pas suive la trace de l'Élu (saws) et ki vive étranger à Allah. Pas cherche dans bane musulmans actuels sa goût spirituel, sa désir ardent ki ti exister lontan là. Pas cherche sa même conviction, sa couleur, sa parfum, sa soif et ferveur ki ti exister lontan là! A présent, bane savants népli bizin la science du Quran. Zot fié zot à zot propre interprétation de la religion d'Allah. Zot couma bane lé loups féroces et bane dimounes barbares et dézordonné.

Alors, li de zot devoir Ô mo bane disciples, et tous bane ki oulé écoute moi pou brise tous bane barrières matérielles et bane désirs vains ki sépare l'homme de so Créateur. Satan li ene incroyant et méchant ki brûle avec jalousie. Li pas capave guette l'amour ki zot Créateur ena pour zot (la race humaine). Alors, repousse sa jaloux (Satan) là et costé zot encore pli près avec Celui ki fine donne zot tout saki zot bizin. Li tousel (Allah) Li le Salut de zot l'âme et le paradis de zot lé cœur. Gagne confiance dans Li et bâtir zot l'avenir dans l'obéissance à So bane commandements et messagers. *Insha-Allah, Ameen.*